



Broj:01-2-4522/14
Sarajevo, 10.12.2014. godine

MEDIJIMA

Predmet: Saopćenje za javnost

Bankarski sektor Federacije BiH u trećem kvartalu 2014. godine

Ukupan bankarski sektor u Federaciji Bosne i Hercegovine je stabilan i siguran. Na osnovu iskazanih izvještaja banaka u trećem kvartalu tekuće godine, likvidnost, profitabilnost i kapitaliziranost bankarskog sistema je zadovoljavajuća. To pokazuje i stanje koeficijenta adekvatnosti kapitala, koji je sa 30.09.2014. godine iznosio 17,2%, što je za 0,8 procentnih poena manje u odnosu na kraj 2013. godine, ali je i dalje znatno viši od zakonskog minimuma od 12%.

Na dan 30.09.2014. godine u F BiH bankarsku dozvolu imalo je 17 banaka. Bilansna suma bankarskog sektora na kraju trećeg kvartala tekuće godine iznosila je 15,9 milijardi KM i za 3% ili 433 miliona KM je veća nego na kraju 2013. godine.

Novčana sredstva su povećana za 1% ili 40 miliona KM i iznosila su 4,5 milijardi KM, što je prevashodno rezultat povećanja depozita. Ukupni depoziti, koji su dominantan izvor financiranja banaka u F BiH, veći su za 3% ili 351 milion KM u odnosu na kraj 2013. godine.

Kreditni su zabilježili rast od 2,4% ili 260 miliona KM i na kraju trećeg kvartala 2014. godine iznosili su 11,1 milijardu KM. Ukupni nekvalitetni krediti iznose 1,75 milijardi KM i veći su za 10,3 % ili 164 miliona KM u odnosu na kraj prošle godine. Kreditne obaveze koje iznose 981 miliona KM, u tri kvartala 2014. godine zabilježile su pad od 5,6% ili 58 miliona KM i smanjenje njihovog učešća u strukturi pasive sa 6,7%, koliko su iznosile na kraju 2013. godine, na 6,2% sa 30.09.2014. godine.

Na nivou bankarskog sistema F BiH sa 30.09.2014. godine ostvaren je pozitivan finansijski rezultat u iznosu od 124 miliona KM. Pozitivan finansijski rezultat od 153,4 miliona KM ostvarilo je 15 banaka, a gubitak u poslovanju u iznosu od 29,4 miliona KM iskazan je kod dvije banke.

URED ZA INFORMISANJE FBA